

Broj: 07-11-4-926-9/23
Sarajevo, 07.07.2023. godine

Na osnovu člana 70. st. (1) i (4), a u vezi sa članom 69. stav (2) tačka e) i članom 2. stav (1) tačka I podtačka 2) Zakona o javnim nabavkama („Službeni glasnik BiH“, br. 39/14 i 59/22) i člana 26. Pravilnika o unutrašnjoj organizaciji Federalnog ministarstva raseljenih osoba i izbjeglica, broj: 02-02-312-15/23 od 23.03.2023. godine i broj: 07-02-312-26/23 od 30.06.2023. godine, na Preporuku Komisije za javne nabavke, imenovane Rješenjem, broj: 07-11-4-926-1/23 od 15.06.2023. godine, federalni ministar raseljenih osoba i izbjeglica **d o n o s i**

ODLUKU O PONIŠTENJU POSTUPKA JAVNE NABAVKE USLUGA – AUTO SERVIS I OPRAVKA MOTORNIH VOZILA I ZAMJENA POTROŠNOG MATERIJALA

I

Poništava se postupak javne nabavke usluga – **auto servis i opravka motornih vozila i zamjena potrošnog materijala za potrebe Federalnog ministarstva raseljenih osoba i izbjeglica**, evidencijski broj nabavke: 07-11-926-3/23, broj Obavještenja o nabavci sa portala javnih nabavki: 668-7-2-22-3-47/23, iz razloga jer su sve dostavljene ponude neprihvatljive budući da ponuđene cijene prelaze planirana, odnosno obezbijedena novčana sredstva ovog Ugovornog organa za konkretnu nabavku.

II

Ova Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke usluga – auto servis i opravka motornih vozila i zamjena potrošnog materijala za potrebe Federalnog ministarstva raseljenih osoba i izbjeglica pokrenut je Odlukom o pokretanju postupka nabavke, broj: 07-11-4-926/23 od 15.06.2023. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosi 45.000,00 KM bez PDV-a i predviđena je Planom javnih nabavki ovog Ministarstva, dio II Usluge, redni broj 4; Obavijest o nabavci, broj: 668-7-2-22-3-47/23 poslana je na objavu dana 26.06.2023. godine, te je zajedno sa tenderskom dokumentacijom, istog dana objavljena na portalu javnih nabavki.

Dva ponuđača su blagovremeno dostavila ponudu u predmetnom postupku nabavke, i to: „SARADIS“ d.o.o. Vogošća i „UNITRADE“ d.o.o. Ljubuški, te je Komisija za javne nabavke, izvršila javno otvaranje ponuda i konstatovala da je ponuđač „SARADIS“ d.o.o. Vogošća ponudio cijenu od 62.194,84 KM bez PDV-a, a ponuđač „UNITRADE“ d.o.o. Ljubuški ponudio cijenu od 60.927,61 KM bez PDV-a, odnosno da ponuđene cijene obje zaprimljene ponude prelaze planirana, odnosno obezbijedena novčana sredstva ovog Ministarstva za konkretnu nabavku, a koja su procijenjena i planirana na iznos od 45.000,00 KM bez PDV-a.

Komisija za javne nabavke dostavila je federalnom ministru raseljenih osoba i izbjeglica Zapisnik o pregledu i ocjeni ponuda, broj: 07-11-4-926-8/23 od 07.07.2023. godine, sa preporukom da se donese Odluka o poništenju postupka za predmetnu nabavku.

Budući da su cijene dostavljenih ponuda iznad procijenjene vrijednosti javne nabavke ispunjeni su uvjeti za poništenje predmetnog postupka nabavke, u skladu sa članom 69. stav (2) tačka e) i članom 2. stav (1) tačka I podtačka 2) Zakona o javnim nabavkama.

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku:

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.

Pripremila: Neira Hot-Biloš
Sekretar: Esed Ivojević

M I N I S T A R

Nerin Dizdar

Dostaviti:

1. Svim ponuđačima u postupku
2. U dokumentaciju Komisije
3. a/a